



10869

蕉林詩集

真定梁清標

玉立甫

著

七言律四

奉使出都

對罷 楓宸下五羊春明門外路茫茫 玉堦獨

授安邊計黃紙遙頒異姓王 督亢曉風催去鴈蘆

溝秋水帶斜陽蕭疎短髻飛塵裡西指青山尙故

鄉

上谷對月

蕉林詩集

七言律四

猶憶羈棲保下城幾回獨對月華明十年憔悴多

行旅三至艱虞仗友生槎泛銀河天上使鷄鳴茅

店故園情燕昭臺在休凝望北斗闌于是 帝京

前保陽諸君子周旋余憂患中故云

新樂驛亭次壁間韻

萬里驅車道路偏伏羲臺畔破秋烟漢廷諭蜀煩

司馬池草生春憶惠連古驛鄉心叢菊外并州客

夢嶺梅邊風塵又逐征鴻去紅樹依依似昔年

門晤家伯氏又少從先大人宦嶺南故云

遇

里門留別二家兄次原韻

聖朝格遠海無波

詔許歸藩下馭娑

漢殿名

鴈羽

分行秋色迥珠江弭節瘴烟多
客中賦就哀王粲
臺上風高憶趙佗
此日聯床難索醉
河梁衰草滿
平坡

二

侍親爲郡幾經秋
五嶺重過識舊遊
香發荔枝曾一飽
露垂橘柚憶千頭
殘碑亂後靈光在
畫舫停時海氣浮
計日歸來松徑裏
春宵風雨話神州

蕉林詩集

七言律四

二

趙郡懷古

霸業存亡事可嗟
西風仍捲戰場沙
鄙中將相埋秋草
河朔風雲感髣華
秦塞終還持壁客
信陵獨識賣漿家
驅車我欲尋陳迹
城闕蕭寒有暮鴉

次韻酬喬百一

奉使高秋駟馬歸
新詩投贈借餘輝
名藩自按師中律
廟略猶勤海上機
雨暗枕椰生客夢
風行蠶戶識天威
故人遲我西山曲
事了漁樵願肯違

圓津庵贈涵萬開士

小築祇林不記年，乘杯一衲海雲邊。
客來爲設伊蒲供，悟後嘗參栢子禪。
到枕秋聲聞衆籟，閉關佛火下諸天。
征途過此心似寂，十丈塵中結靜緣。

過順德感懷

郡故趙國有嬰曰豫讓遺跡沙河縣北宋文貞公墓在焉余少

時曾過此

名城猶憶少年遊，此日寒烟朔鴈秋。
桑柘依然憐故苑，河山無恙壯邢州。
一身生死孤兒在，千古艱難國士酬。
唐相豐碑遙可望，西風蕭瑟起松楸。

鄴中懷古

蕉林詩集

七言律四

三

鄴城千載地靈蟠，野曠天高木葉乾。
曉色西來晴嶺秀，濤聲南渡濁漳寒。
山餘王氣占都會，人去風流憶建安。
銅雀臺荒歌吹冷，茫茫秋草霧中看。

渡漳河

城名講武枕蒿萊，東去清漳水自哀。
吹角沙頭波影亂，停舟河上鴈行來。
中原人物高門闕，鄴下文章起霸才。
當日魏公兼將相，有無畫錦舊堂開。

湯陰贈董澹園世兄

候補幕職

通家握手豁塵襟，久別何堪素髮侵。
每歎芙蓉猶

泛水漫言桃李舊成陰鄭鄉獨擅扶風學宓子曾
鳴單父琴寥落狄門稱碩果知君不改歲寒心

謁殷太師比干墓

殷墟遺廟拜宗臣馬鬣巋然衛水濱禾黍故宮千
古恨殿廷灑血九原人苔封篆籀捫碑碣籟響松
杉泣鬼神爲薦青蘋英爽在陰風白晝起沙塵

途中聞龔芝麓宗伯函問爲詩哭之

握手方憐岐路別逝川驚說總帷新天涯故舊懸
雙淚輦上恩波失老臣仕宦尙虛三日話風流

蕉林詩集

七言律四

四

頓盡六朝人後堂烟冷閒絲竹淝水蕭蕭更不春
三日宰相事

二

長安耆舊半蒿萊老友重看夜壑哀通籍早嬰鈞
黨禍酬恩共許救時才平津秋閉賓初散紅粉樓
閒燕自來曾說珠江花鳥地慰余過嶺客懷開
以手書示余有嶺南山川花鳥足散人懷之語

渡黃河

滾滾河流古岸長水神祠廟枕斜陽來從天上分

疆域曲向中原接混茫風閃驛燈寒過鴈路沿堤
柳夜多霜吹臺欲問繁華地鷓首飛帆入大梁

雍丘晤何年伯兼悼大次

喜從隔世拜先生客路相看猶子情風雨僅存荒
隴舍圖書誰識舊家聲駐顏父執稱人瑞迴席鄉
邦號老更平叔當年如傅粉山陽笛裏幾沾纓

汧上喜晤馮蘧海同年

馮異字公孫

停車道左遇公孫鴈序中原願果存歷盡海田名
幸斐閒消歲月老衡門天涯執手繁臺暮旅次籌

蕉林詩集

七言律四

五

燈古驛昏獨恨河梁驅馬去何時鷄黍共清樽

睢陽次韻酬葉元禮時遊梁館王公垂家

曠色孤城落晚霜故人猶憶舊傳觴已知詞賦高
梁苑更見琴樽共講堂邂逅班荆襄水曲聞闕客
夢嶺南裝清風忽爾生紈扇何意塵中有夜光

二

中原秋盡暮烟橫有客才名擅兩京垂橐未歸三
畝宅抽毫爲賦五羊城天涯蘭臭重傾蓋嶺表樓
船已罷兵虎觀卽今須著作窮愁豈合老虞卿

郭門相送意遲遲，款段仍過落照時。白雪難酬吳
客詠，青山媿負謝公棋。河梁蘇李情無限，風雅鄒
枚事在斯。舊讀君家閤秀句，香奩曾否續新詞。
元禮

家有午夢堂集行世

四

道韞久傳風起絮，文通又見筆生花。平臺爾自看
飛雪，高閣予將賦。落霞別緒兩行官驛柳，秘書數
卷漢臣槎。懷人他日春江上，西望松陵嶺樹遮。
余新

蕉林詩集

七言律四

六

得元人手抄山海經

寧陵贈王弁伊先生

魏陵城郭送斜暉，把酒輕寒上客衣。華髮自慚新
使節，柳村人老舊漁磯。交從岐路情偏切，家在長
安信到稀。夜話空堂重剪燭，十年心事各全非。

雪苑酬贈陳子萬兼懷其年

忽漫相逢意氣新，驛亭燈與季方隣。久從雪苑羈
詞客，舊是荆溪部黨人。團扇乍分明月影，水壺全
濯汴京塵。君家伯氏江東秀，何日蘆中問隱淪。

過宋吊侯子朝宗

侯生落拓宋城居，公子翩翩六代餘。
阮籍風流今頓盡，元龍湖海昔難除。
客譚鉤黨前朝事，兒讀名山舊著書。
惆悵我來墳木拱，人琴蕭寂竟何如？

拜張許六王祠

歸德古睢陽

名城蹀血共安危，道左飛塵剝古祠。
六矢當年知號令，千秋爲厲見旌旗。
江淮力障孤軍日，睥睨風生苦戰時。
每讀昌黎書傳後，傷心南八是男兒。

留別宋牧仲

蕉林詩集

七言律四

七

梁園信宿去旌遲，正是詞人授簡時。
汴上才名推小宋，韋家經學有佳兒。
東山舊墅門無恙，斜日論文影漸移。
悵別風烟回首處，孝王臺畔草離離。

留別王公垂次原韻

侵尋旅髻點吳霜，倒屣佳賓漫舉觴。
烏巷喜過王氏里，絳紗猶憶馬融堂。
他鄉縞苧存交誼，異代圖書助客裝。
好句纍纍如照乘，車行前路映晨光。

公

尊人曾爲江右學憲，又以宋板書見貽，故云。

舅氏令鹿邑，過宋夜話署中，因作家書賦此。

志別

幾年曾讀梁園賦此日來聽雪苑砧燭泪成堆甥
見舅月輪如水古猶今艱難案牘勞人話去任關
河久客心北望京華霄漢上平安一紙足千金
大店曉行用何子受韻

晨光初啓發征輶減盡休文帶一條鷄犬村扉音
漸別菰蒲江路夢非遙田多廢隴民生薄霜滿寒
林酒力消亦是古來豐沛地難將風物問山樵

靈壁驛中見美人圖頗有所肖感賦

蕉林詩集

七言律四

八

誰把丹青信手塗依稀躡袖舞瓊毵三生舊事迴
殘夢一笑春風認畫圖紅豆曲中關塞遠紫雲筵
上月輪孤蛾眉不假黃金力爲照長條似昔無

無題

百合香勻錦瑟房謾誇蘇小任錢塘尋芳曉徑春
風細私語明河秋夜長倚笛新翻吳下曲遠山輸
學內家粧殘紅零亂花無主巷柳依依怨夕陽

二

花滿歌鐘列炬高當年解珮憶江旱不龜秘藥調

織手有客新聲命，綰毫細馬馱。將紅叱撥清絲聽，
微紫檀槽可憐。北望雲烟冷，辜負東風醉碧桃。

宿臨淮

夕陽淮水自生瀾，穩渡中流一葉看。十月霜檐哀
鴈叫，孤城曉角候人寒。路經河北裘先敝，客話江
南酒未闌。六代風烟推白下，夢魂咫尺遠長干。

望虞姬墓

劉項紛紛事已空，美人孤塚響淒風。數行泣下歌
聲裏，一劍霜寒舞袖中。玉斗漫嗟虛大計，朱顏原
蕉林詩集

七言律四

九

不負英雄千秋遺恨，陰陵道落日猶看墓草紅。

定遠懷古

淮南好客聚諸儒，鷄犬雲中事有無。百戰山蟠戎
馬地，六朝烟鎖帝王都。帳前歌舞金條脫，幕下賓
僚玉轆轤。文武衣冠隨夢蝶，風流濠上半荒蕪。

合肥贈王用潛

霜紅烏桕葉飛時，淝水寒幃繫客思。寶劍空留亡
友墓，青氈喜見故人兒。五更旅夢鷄啼早，兩世交
情馬去遲。却憶懷中三歲字，不堪回首重淒其。

署中夜坐聞太守衙中演劇悵然賦此

空堂濁酒斲栖遲官燭燒殘欲倦時
教弩臺邊霜草暗逍遙津上漏籤移
高筵別有鈞天奏孤館誰爲來
夢兒聞道主人能愛客入雲簫管倩風吹

包龍圖祠

孝肅祠堂劔珮閒香花墩畔聽潺湲
嚴霜落後瞻遺像濁水澄時見笑顏
異代姓名童語習中宵風雨鶴飛還
古今此地無關節白日孤城冷蜀山

贈姚無匡

無匡徽人僑寓蕪湖秋間自京師南歸又迎余泥水許召歌者未果

蕉林詩集

七言律四

十

羸馬重逢古驛亭去來人世等流萍
淮南舊賦生叢桂江左扁舟到客星
別日初看秋露白他鄉愁見麥苗青
憐君亦有家山思縱得何戡未忍聽

贈王內實世兄

內實家居廿餘年不通長安書札

巖栖廿載一閒身榜下當年號玉人
避世君公甘歲老逃名孺仲自家貧
官衙不受豬肝累要路嫌將鴈字煩
孔李凋零今幾在相看白首共沾巾

舒城懷古

荒城殘堞曉霜稠此地周郎有舊丘
醇酒當年堪

自醉小喬初嫁占風流千秋膠漆升堂拜一炬江
天戰艦收今日經過勞想像亂雲寒水共悠悠

贈郡司馬周公

公爲余內戚尊行三攝郡事
爲余治具召梨園夜深未赴

三攝銅章我甞過四郊頻聽兩岐歌下車友抱兒
當戶臥閣人傳虎渡河路入淮南絃誦美田開漑
水稻秔多後堂情重羅絲竹倦阻蓬山可奈何

拜左忠毅公祠

昔從稚齒仰崔嵬少保祠堂歷劫灰指佞舊騎箕
尾去瓣香今借使星來霜飛北寺淪冤獄日暗甘
蕉林詩集

七言律四

十一

陵號黨魁千載龍山傳勁草孤城氣象夜昭回

二

氣壯河山粗豆新悲風黯澹吊孤臣登車肯負澄
清志正笏今看鼎鑊身喜見謝庭多子弟須知李
固有門人予從伯仲聞家學絳帳曾生帝里春

學畿內余兩兄皆受知

公督

次韻酬程其相館丈

龍眠岫色曉雲封何事詞臣學老農 秘殿久虛
前席對輶車悵別粵山重同官剪燭憐中夜岐路

凝霜怯早冬，曾說安南尊漢使。嶺人還頌舊勳庸。
新紫垣中丞，召飲四宜亭賦謝。

中丞畱客醉江城，華館鏘鏘奏鳳笙。檻外烟霏晴
樹合，樽前帆影暮潮平。青油幕靜霜同肅，朱鷺歌
成夜不驚。聞道庾樓清嘯暇，論文時進魯諸生。

皖城書院

崇儒盛世已，巽弓妙選生。徒鼓篋，同肯使講堂榮。
茂草遂令經閣俯，飛鴻絃歌重啓關。聞學才俊全
收吳楚風節，鉞繼來能造士。漫言西蜀有文翁。

蕉林詩集

七言律四

十三

同靳中丞登迎江寺塔

岩峩紺宇倚江天，層塔風鈴下界傳。皖口落潮初
弭節，樅陽戰壘幾經年。石堂鐘磬寒雲裏，估舶帆
檣返照邊。幕府故人稱緩帶，凌虛携手似飛仙。

皖江登舟寄懷劉潛柱同年

舒州駐馬悵斜曛，嶽嶽丹厓苦憶君。避地携家空
燕壘，故人遠夢隔江雲。三秋幾蠟山中屐，萬里初
移海上軍。東望冶城今掛席，潯陽九派鴈行分。

東流舟次見月

參差殘堞起遙空極望長天水色同佑客短蓬孤
鳥去江城遠渚亂流通寒生荻岸漁舟火夜動檣
烏畫角風清影近人來檻外鄉心萬里月明中

贈靳紫垣中丞

坐擁名城玉節高牙旗風偃皖江濤中樞石畫資
前箸秘閣藜光照彩毫按部荒田圖繪入吹笳斂
手里閭豪張燈喜誦新詩卷直院曾披蜀纈袍
舟中同門人龍二爲坐兩

窓間隱几雨淙淙入夜輕帆到客艤使者星槎今

蕉林詩集

七言律四

十三

第一

予安慶始登舟

才人雷戍信無雙

望江舊名大雷戍

魚龍吹

浪停蘭櫂簫鼓隨風倒玉鉉別去蒼烟千萬里樓
船柔櫓破寒江

小孤山神祠次壁間韻

珠殿凌嶒最上頭風烟六代未全休水犀列戍青
油幕漁唱三更白鷺洲鯨浪東來連海氣神妃南
面斷江流舟車吳楚民生竭蒿目何人借勝籌

舟過潯陽

潯陽瑟瑟石苔斑今古柴桑歲月閒蓮社籃輿陶

令酒烟扉展齒謝公山舟停湓浦衫應濕虎嘯溪
橋客獨還此地江聲分九派何堪矯首憶鄉關

彭蠡湖

彭蠡湖邊落照低大孤山下草萋萋烟巒廬岳新
飛瀑廟貌康郎舊鼓聲皎月影翻鴻鴈陣黃蘆寒
聽鷓鴣啼雲帆一片風催客何處東林問虎溪

舟過匡廬不能躡屐登覽遠望憮然聊賦四
詩以識向往

結廬巖壑憶匡君古洞脩脩散鷺群九疊屏風湖

蕉林詩集

七言律四

十四

上曉千峰樹影霧中分松軒人去遺丹竈齋閣香
生禮白雲帆過已虛康樂屐鐘聲杳靄碧霄聞

二

琳宮瑤草幾經春高士林棲白鹿馴嘯傲四時招
隱客衣冠累代講堂人石幢旛影留僧偈玉峽泉
聲有釣綸自笑山靈揮手別風烟遙問貢章津

三

磴道嶽欹落彩虹掉頭東望啓孤篷香爐紫氣千
巖夕谷口青杉一笛風日月寒銷懸瀑裏鐘魚響

入亂流中倦飛我亦知還鳥洗鉢何年叩遠公

四

鳴角樓船日乍長青來五老揖湖光有無供奉餘
書屋寂寞香山舊草堂鶴觀碁聲松歷落墨池波
影露清涼天風吹入晴窓裏携得烟嵐滿客裳

詠髻山

照水青螺曉自盤海棠睡足倚晴瀾望倦纔就慵
拋髻墮馬初成懶上冠淡掃鉛華驕不語半開奩

鏡拭猶寒洛妃湘女垂璫過欲並風鬟霧鬢難

蕉林詩集

七言律四

十五

墮馬皆髻名

詠鞋山

凌波素女桂旗開絲履孤留湖水隈墮鳥非闕臨
幸到生蓮豈爲步塵來針神刀尺宮中製王母雲
霞海上裁彷彿身輕乘霧去空傳七寶避風臺

幸華清遺御墮鳥狼籍千道

明皇

仲冬十五夜

燈火蕭蕭夜泊船匡廬如黛染遙天眼鷗淺渚流
偏急落鴈平湖月正圓鐵戟沙沉烟嶼外蘆笳客

醉枕樓邊寒來枕上無南北一聽漁歌思渺然

湖中風泊

野岸停颿霜欲水幢幢風入搖孤燈切雲江閣晝
不見遠峰老翁招未能陶侃勲名有故壘孫吳意
氣何憑陵望鄉此夕畏明月頭白驚心烟水層

董右君中丞招飲滕王閣

雲帆漁火望中收把酒西江第一樓夜色管絃天
上樂客心風雪嶺南舟人家戰後詢陳跡帝子星
移起暮愁媿我登臨無綵筆闔公座畔幾遲留

蕉林詩集

七言律四

十六

二

襟帶東南霸氣孤畫簾橫吹俯江湖琳宮猶鎖蛟
螭宅芳渚誰摹蛺蝶圖窵近斗牛連檻動潮寒鴈
鷺入檐呼中丞不淺庾樓興春轉吳天壯酒壚

雪夜姚少叅諸君招飲再登滕王閣

燈火千門夜氣凝高樓勝地得良朋西山飛雪寒
初到東閣延賓晚更登緩帶江烽雲外息敝裘鄉
思酒邊增漏深風笛梅花墜徙倚危闌詎忍凭

二

江城飛檻倚雲尊詞賦千年劫火存
畫舸人來尋舊夢珠簾燕去冷
王門鼓笳風捲青油幕吳楚天
開幕雪樽子野聞歌愁轉劇
烟波萬里枕樓昏

時曾登

旌陽萬壽宮

宮燬今又修復

靜明宮殿鬱岩堯鐵柱難從一炬銷
波立蟻龍孤
劍盡月臨鐘鼓百靈朝雲霄
絳節餘兵火今古青山鎖
寂寥冲舉當年仙侶去不堪重問舊江湖

過東湖

蕉林詩集

七言律四

七

東湖烟水晝冥冥湖上孤標孺子亭
百戰僅存高蹈地千秋獨著少微星
灌園翁去空書幣下榻風流識
典型寂寞經過人不見章門兩雪一燈青

章門追悼熊雪堂先生

雪壓東湖白晝陰朱絃寂寞欲沾襟
青山遺老存亡愜華髮同官去就心
濁酒篝燈秋顧曲烏絲紅泪客孤吟
何堪重過章門道十載江雲隔古今

都門觀劇深賞歌者陳郎有烏絲紅泪之句

先生

老臣抗手混樵漁尙憶河梁把袂初北地酒壚人
遠逸南州風雅事全虛名留黨錮三君傳稿剞文
園一卷書獨喜鳳毛家學在高門傳有舊懸車

輓羅皇庵同年

白下魂歸杜宇啼章江草色晝萋萋茂陵秋盡存
遺稿同舍人來問故栖眼過浮雲朝夕變樓空燕
子去來迷素車媿負千秋話泪墮山陽日漸西

贈楊陶雲館丈

一帆涼雨滯王程把袂天涯慰客情地入西江多

蕉林詩集

七言律四

六

謫宦人從南國重科名傷心亡友銀鈎畫剪燭新
詩玉雪清早晚上林須奏賦漢宮曉裊舊金莖
時投

予新詩及靜山遺帖

二

才人佐縣對烟波載酒觴余金叵羅玉筵晚風簾
外細白頭客泪曲中多黜同柳下安疎賤官冷香
山足嘯歌明日孤舟江海異更闌燈炮奈君何

留別朱天中同年

斜陽城郭舊章門白恰芒鞋故老存一櫂紅亭逢

漫士幾人青眼到王孫東湖暮雪天涯夢南浦晴
雲 聖主恩挂席那堪揮手去蘆花洲畔憶江村
過豐城追悼史龍門同年

霜飛樟老過江城寂寞山陽客泪橫木拱遙阡哀

有道人來小艇識慈明有子能文燕臺舊雨萍踪散華

表新愁鶴夢驚同舍誰論天寶事痛君白首是餘

生甲申之變龍門罹難幾死

同門豐城甘衢上没二十年矣舟過小江口

乃其故居公子來謁言孀母尚在不禁愴

蕉林詩集

七言律四

十九

然賦此志感

雲抱孤村白日斜荒江寂寞興嗟硯田兒在傳
緜帙婺女星明擁幔紗磨鏡每慚高士侶結茅遙
識故人家今來重下琴亡泪劔水蕭蕭耐歲華

舟中喜晤豐城劉隆初同年賦贈

三十年來阻釣磯相逢白首共依依天涯兄弟孤

舟話江上風烟一鴈飛垂老麻池遭毒手荒村薛

荔遂初衣舊遊莫問看花伴今日黃墟客已稀時降

初方有外侮

拜英佑侯蕭公祠

侯真身在巨桐中

侯家廟貌枕江關素甲雲旗數往還累葉飡霞遊
物外千年遺蛻住人間風回鯨浪天吳泣雨濕香
爐繡帶殷靈爽如新長拱北汀鷗檣燕正蕭閒

廬陵小泊

章貢天開白鷺洲山城水市半沉浮孤懸塔影搖
沙舸晴捲江聲入郡樓舊德門荒祠草暗戰塲人
老講堂秋憑闌白首餘雙泪螺子蒼烟縮客愁

雨中讀羅弘載新詩樂府賦贈

蕉林詩集

七言律四

二十

佳句吟安酒乍醒船窓讀罷雨燈青江南數墮蘭
成泪嶺嶠今占處土星二俊才名高洛下雙鬢風
雪醉旗亭憐余亦有登樓思巫峽猿聲忍更聽

粵中開府諸君有使來迎漫賦

揚舲歲暮急灘前侯吏遙從瘴海邊幕府清風憑
錦字嶺頭春色動蠻天長鯨浪息盧循島下瀨戈
廻楊僕船雪雉入朝人解甲江城細雨遍花田

儲潭讌集

潭上荒臺煨火紅牙旗獵獵捲簾櫳香分橘柚清

樽裏雨漲笙歌晚嶼中廢壁沉雲開戰壘橫江層
鐵鎖蛟宮霜青油幕稱雄鎮刁斗聲傳萬壑風

王夔航憲副召飲賦贈

名城雄踞鬱孤臺絳燭留賓白墜開羌笛曼聲頻
倚曲貢江細雨對對嚼盃營門鼓吹襟喉地憲府風
流裘帶才怪底瑞烟生四座主人原自五雲來

度大庾嶺

噴岬萬仞劃天開曲似離腸日九迴雲沒危峰盤
磴出翠含春色瘴江來嶺門對擁峙山寺鳥徑斜
穿吐驛梅刊鑿辛勤煩相國千年猶說五丁才

蕉林詩集

七言律四

三

二

卓錫泉飛日月閒青松拔壑蔽禪關一隅嶺外開
天地九點烟中界海山叱馭人行霄漢上鳴鐘聲
出有無間莫言炎嶠龍蛇窟甘載珊瑚貢百蠻

至南雄

先人五馬曾遊地此日雙旌到郡門官舍趨庭明
發泪并州擁傳 聖朝恩棠陰更薦新蘋藻道左
歡迎舊子孫戰後人家今幾在十圍榕樹喜猶存

初度

輕暄客路逢初度
舊地逡巡暫作家
朔鴈重來天外影
柳樽一醉日南花
故人相勞喧歌吹
往事追尋感歲華
酒罷何堪今夜夢
鄉關漠漠嶺梅斜

始興道中

邑有玲瓏巖遠不能至

對峙蒼巒草色重
中流挂席水溶溶
灘濼石墨斜分黛
寒逼蠻烟故起峰
三月江程鷗鳥狎
一天瘴雨濕巖封
玲瓏名岫聞奇絕
登陟何緣暫倚筇

舟晴漫興

蕉林詩集

七言律四

三

枕椰新霽影
綈毳淺瀨奇峰夢
乍酣歲事已闌仍
作客海天計到正
傳柑絳紗蛛罥晴窓小
碧岸榕飛水氣涵
却憶東風歸棹疾
杏花春雨遍江南

寄尹瀾柱吏部

東莞有珊瑚洲

當年啓事識冰壺
十載寧親滯海隅
香水溪邊雙鯉到
黃茅瘴裏片帆孤
懷人晚歲懸明月
問寢春山聽鷓鴣
寄訊故交應健飯
老漁曾否得珊瑚

韶守馬子貞偕權使閩帥觴余會龍書院

許

芙蓉遙接暮烟羅
牛斗臨檐捲絳河
天外罇罍沾
醉易嶺南花鳥入
愁多水晶簾映西
洋燭玉笛聲
翻桂海歌繾綣
故人遲漏箭
蛟珠夜自吐江波

曲江

移檄江樓嶺日斜
乘暄蛟蜃入窓紗
紅潮多醉檳
榔實青嶂全開
齒苞花韶石遺
音傳北麓曹溪
香味啓南華
銷沉何處求金鑑
丞相祠堂鎖落霞

遊飛來寺

黃帝二子居此又有歸猿洞定心泉

帝子雲栖去不回
短筇今見石堂開
虛巖鳴磬潮

蕉林詩集

七言律四

三五

音迴客路憑闌暮
景催風雨光中珠
殿出藤蘿陰
裏玉環來定心
泉水懸千尺爲
乞清泠露一杯

初至羊城

五羊門外駐干旌
薊北人來彩鷁輕
魚麗共聞天語切
樓臺晴湧海珠明
寶輪番舶通王會
路爽蠻花出曉城
扶杖南州諸父老
早知聖主厭觀

兵

嶺南立春

嶺表青幡捲雪濤
王春遙下海雲高
千門戴勝妍

雙鬢萬里鳴珂感二毛
柳酒難同天外醉銅鞮
唱市中豪長安一夕條
風煖應有離人卜大刀

除夕

漢使來逢五嶺春花明
鳥語倍愁人衙齋守歲孤
燈夕海嶠懷歸萬里身
開盡江梅無雪到聽燧爆
竹放盃頻頌椒徒有閨中
婦那識蕭蕭髮又新

元日

牙門鼓角海雲邊
虎拜遙瞻北極烟
欲使炎荒

同甸服敢從客路惜
華顛仙萸瑞啓珠江日
鈴閣

蕉林詩集

七言律四

五

晴開瘴癘天漫向尉
佗臺上望故鄉今已隔
堯年

人日

鴿簷小雨憐清曉
隱几蕭蕭海氣寒
天外使星同節序
客中人日異悲歡
柚開江郭花千樹
鴈阻衡陽路
幾盤七種菜
羨懷故國斷腸
春色倚樓看

遊海幢寺

榕葉陰陰泛客舫
春雲晴湧佛幢高
講堂日照三花樹
經閣門迎萬里濤
坐定海風來
蜃嶼梵餘香
霧出旌旄柱
鵲紅染征衫
影消盡南天
旅思勞

海珠寺

丹霞臺峙海天雄
縹緲危樓接斷虹
古殿苔侵雙屐濕
春潮晴捲半江空
軍聲雜沓青榕外
客路裴回白羽中
漏下不須燃佛火
鮫人自有夜珠紅

登北城望粵秀山

茫茫蜃氣入烟蘿
飛蓋初停白玉珂
千頃珠光春水漲
半山紅映木棉多
日高幢影翻樓觀
風起營門動海螺
北指越王臺
尙在雄圖寂寞竟如何

二

蕉林詩集

七言律四

三五

嶺嶠風烟壯北門
岩巉三堦海天尊
捲簾燕寢餘香在
吹角江城戰馬屯
青草瘴時憐黯澹
白雲山色變晨昏
殊方人物登臨裏
遠客全銷萬里魂

三堦遙峙城北有白雲山

舟發羊城

南海歸舟天上坐
一帆春水御風還
鈎簾自繞羅浮蜨
隔岸回看粵秀山
榕葉陰中開祖帳
嶺雲深處望鄉關
身輕喜捲詩書去
晴晝雕籠放白鷗

劉持平撫軍嚴玉宸都護餞余海幢寺

揚舲西下海天晴
幕府歌驪柳酒清
笳鼓迎風兼
梵響山厨列饌出
侯鯖田橫島上春
潮落羊祜軍
中組練輕萬里
星槎揮袖去
嶺頭回首故人情

嶺南喜晤唐巖長同年又携酒送余江中夜
深爲阻賦此志別

握手官衙聽雨新
鴈行喜對嶺南春
五千里外燈
前酒七十年來海上人
敢道臨邛能重客
須知隔
世倍情親
聞君閉戶耽高臥爲我巾車罷釣綸

二

蕉林詩集

七言律四

三

春江漠漠見花飛
有客輕帆振袂歸
火樹燒殘萍

跡合

相暗在
元符後

樓船戰後故人稀
班荆每惜當岐路

下榻誰憐老布衣
那更候潮中夜發
扁舟追送一
樽違

留別芝五省元

吾宗雅擅五噫歌
十載青山臥薜蘿
寫賦久傳京
雒貴著書爭遜茂
陵多珠江傾蓋花
初放星漢歸
帆水正波嶺表才
名君第一袖寒倚
竹畫雙蛾

留別何玉其孝廉

玉其持齋又每貽余藏書

河梁遠送落帆初第五名高玉不如居士自依蘇
晉佛容裝許借茂先書年來懷刺頻彈缺劄後移
家更結廬今日扁舟江上別南天烽火重踟躕

歸舟漫興

海鳥蠻雲載畫船隔江何處問花田枕柳兩罷催
鄉夢薜荔烟開見楚天水客晝藏春霧裏鼉更晚
動亂峰前歸人翔舉如黃鵠不用深林聽杜鵑

二

牙檣北逐鴈鴻群人去紅亭倚夕曛五岳芒鞋生

蕉林詩集

七言律四

三

壯色四山花氣漲春雲蠻方瘴癘和愁散客路風
烟度嶺分十載江湖銷戰伐戈船此日又移軍

出防蒼梧

粵師

舟中留別諸門人

章草歸人雪滿頭群山飛雨泛春流鶯花路繞過
三水師弟天涯聚一舟客倦欲同鷗鳥狎林寒應
有鷓鴣愁聯翩頰爾衣冠在早晚勳名動帝州

二

閉天烽火事如何北望曾無鴈字過風裊春帆腥

雨急涼生客鬢嶺烟多丹砂莫更尋勾漏銅柱誰
當繼伏波歸去吾衰雲臥穩好音待汝寄巖阿

贈曲江吳元躍孝廉

十三歲登賢書出余同年陳岱清之門

韶陽童子掇科名倒屣翩翩玉骨清鄉里久騰江
夏譽關門爭識濟南生有無秘帙傳金鑑早晚宮
槐聽曉鶯亡友當年稱得士對君重憶舊琴聲

雄州尹二爲少受

先大夫之知首倡入祠

賦此志感

尹曾令韓城

庚桑故地嶺南隅歲久猶思郡大夫飛檝頻占星

蕉林詩集

七言律四

三

使到登山肯令峴碑蕪舊從墨綬稱關尹能守師
門是漢儒良友天教雙劍合并州此日勝枌榆

贈溫伯起學博

亦先君門人

四十年前總角看春江白首話悲酸亂餘剩有芝
蘭臭老去仍淹首着盤孔李他鄉重剪燭貢王隔
世喜彈冠先人舊好多搖落努力鱣堂健羽翰

留別金繩武制府

天涯促席趙化臺惆悵轅門笳鼓催千隊犀文親
擁山片帆嶺客賦歸來庾公豈乏登樓興馬援終

多聚米才軍令如霜談笑裏紅螺蘸印刺桐開

雨霽過平圃

交州迴櫂晝遲遲風物依然隔歲期
天遠雨賜直不測舟暄蜂蝶最先知
素螺女肯憐孤客紅檣花常歷
四時平圃青春色徧韶光何計慰支離

贈陸孝山郡侯

侯力請表章先大夫

榕綠蕉紅嶺色分廿年五馬滯江濱
春風更旭新膏雨父老能歌舊使君
礧道烝嘗齊召杜于今兄弟讓機雲
舟停桑柘陰陰裏治郡功名海上聞

蕉林詩集

七言律四

五

輓程貫三處士

不見盧鴻舊草堂我來萬里倍神傷
一床遺籍經春雨三尺孤兒泣夕陽
度嶺尙期鷄黍話浮雲忽掩少微光
他時憶汝滇江畔落月還應滿屋梁

輓尹俠仙學博

君喪明猶修郡志

著書未就死生分憔悴當年鄭廣文
異地余憐同白髮窮途子竟阻青雲
春來泪墮山陽笛少小名空冀北群
風雨匆匆催客去那能燒酒看孤墳

留別遲默生學憲

畫省含香漢大夫，臯比嶺外擁生徒。清風不畏食
泉酌，淵客難藏合浦珠。悵別春林聞格磔，論文變
語辨娥隅。須知王會車書遠，自昔瓊山有大儒。

暮抵南安仍宿舊寓水閣其家方婚

郡郭蕭蕭識舊遊，晚江風雨待歸舟。尋巢燕語仍
前壘，度嶺人來自廣州。暖動隣牆花下燭，寒生鸚
鵡水邊樓。三千里外春無賴，鄉夢頻驚戰伐秋。

王蓼航逸登鬱孤臺并示詩集賦贈

春到虔州色早妍，鬱孤臺畔草芊芊。柳帆歸興衝

蕉林詩集

七言律四

三

江雨油幕登臨話楚烟，水雪卷携紅燭夜。鄉關愁
動暮笳天，鴈行珍重河梁酒。花落鶯啼已隔年。

灘路喜晴

半挂蒲帆日未斜，輕風柔櫓畫無譁。海城飽食橈
柳麵，虎落晴開枳殼花。舟子下灘真絕技，征夫適
嶺似還家。經旬霧合江村雨，乍喜蜂暄入碧紗。

泰和簫孟昉臥病以家集見詒蕭有研隣春

浮遊圃諸園最爲名勝，舟過不獲往遊賦

此寄贈

每從蓮社載籃輿，水石翛然近市居。
快閣披餘存勝蹟，中郎沒後有藏書。
青春伏枕檣花放，白帽高吟桂影踈。
獨悵歸帆風似箭，那能執手話樵漁。

二

遠翠晴沙入畫樓，庾詵十畝想風流。
徑荒更築辛彝塢，客到長依杜若洲。
投轄一樽供坐嘯，擁書萬卷比通侯。
不須春屨蒼苔破，讀罷新編勝臥遊。

送羅弘載歸越

蘭橈酬唱每開襟，髯客臨風動越吟。
海外文章推

蕉林詩集

七言律四

三

健筆江東烟月醉，高岑花明子舍啣。
盃日雨入章門折柳心，旁午軍書須自愛。
羅含宅裏聽春禽。

江上與陸恂若言別

青翰舟乘五兩風，臨岐吳客返江東。
長携藥物蠻烟裏，同繫鄉愁戰馬中。
榆莢雨來尊菜滑，桃花冰映鰕魚紅。
移家佇待三秋棹，莫戀蘭陵舊酒筒。

送呂松若門人之錢塘

春江並載綠陰繁，今向西陵何處村。
歸棹幸先火米熟，戍樓愁見燧烟昏。
人從畏路憐分袂，鴈斷炎

州有及門花月六橋佳麗地漫因芳草滯王孫
章江道中風雨夜泊

風雨空巖豺虎驕孤村暮角夜寥寥春愁不共花
枝放健骨旋從鬢雪消江上烽烟驚處仲漢家將
率屬嫖姚何人談笑圍碁裏洗甲天河靜怒潮

章門遇方婁岡館丈兼懷邵村

恍落章門夕照黃龍眠客在喜如狂劇談舊事兼
新事促席元方憶季方世路飽諳憂患後屢緘蹶
躄羽書傍多君綵筆能成賦帝子樓中望楚鄉

蕉林詩集

七言律四

三

清明舟中

章江淼淼織晴烟檣燕輕風雨後天水市粥香調
杏酪田家日煖取榆錢一年芳景春將暮萬里軍
聲客早還過眼鶯花思故國綠樽紅袖滿東阡

上巳江行

久客逢時倍愴神青畦又見菜花新恨無芍藥拋
吟卷賸有魚車理釣緝垂柳千絲三月曉轉棹
占九江春采蘭何處遊遨地水畔于今幾麗人

晴江如練綠烟重伏枕虛聞湖口鐘遠客衰容窺
鏡懶漸闌春色對花慵夢回河朔餘千幘帆挂潯
陽第幾峰漢使歸來多戰伐謾誇駟馬醉臨邛

三

落盡梨花杜宇飛馬當山角掛斜暉竹深浦淑街
村小柳暗江魚咽絮肥修禊誰能邀酒伴避喧人
自掩柴扉烟波讓與天隨子梅不先栽荷芰衣

四

迎梅雨霽大江西叢箐春深有鳩啼頓遜酒杯隣

蕉林詩集

七言律四

三

物換羅浮蠹粉著花迷黃塵千里勞飛輓白芷三
湘擁戰鞮御袂飄然五嶺客星灣回首黛眉低

舟入大江不及由武林姑蘇悵然賦此

吳門東望水瀾瀾雙槩何由過劍池鶴市烏啼春
雨後虎丘屐齒落花時渡江桂楫歌桃葉踏節金
鈴舞柘枝欲訪吾宗高士塚空聞三尺傍要離

二

久擬西湖鼓枻看懷歸幽興已闌珊林逋鶴去山
還在蘇小門荒柳未殘花爾晴開三竺曉酒旗風

動六橋寒富春見說如圖畫難覓嚴陵舊釣灘

皖城偶感

皖城戰馬散空壕江上春風透客袍人去雕梁虛
燕壘雨拋苔砌冷山桃遺銅瑟瑟珠花黯懸鐸鏘
鏘塔影高猶憶諸生爭問字重來閩井半蓬蒿

讀王雲從學博敝帚編

文章江左推尊宿開帙光搖午夜燈苜蓿盤中淹
薛令孝廉船裏識張憑霸才爾自操鞭弭大雅誰
當繫廢興四十年來老博士青衫手板骨峻嶒

蕉林詩集

七言律四

三五

皖江阻風得見家書

一江風雨滯歸期誰把純鉤理亂絲綺閣落花埋
錦瑟津亭飛鳥避旌旗白頭浪裏春愁晚丹鳳城
邊字到遲何處林香多醉客高眠閑煞里中兒

二

鱗北雙魚寄好音天涯歸客尚浮沉倦携鉛槧縈
春思晴挂蠨蛸感別心江路賦窮長帶草燈篝坐
暖辟寒金秋千院落梨花月多恐離人黯不禁

過蕪湖

蠓磯細雨渺春烟博望乘槎入漢年
帆落天門新估客江橫鐵鎖舊樓船
詩才謝氏青山在樂府桓家白苧傳
懷古傷離無限思楊花如雪筍如拳

二 蠓磯廟祀孫夫人

蕪陰花氣暖如薰傍渚鴛鴦護縠紋
執事風流存六代歸船春色占三分
珮邊香縷孫權妹節下江聲陶侃軍
漸近故鄉心倍切不堪回首赭山雲

梁山坐月

蛙聲滿耳起遙汀入夜微茫三五星
千里雲烟歸

蕉林詩集

七言律四

三五

勝地一舟笑語解忘形平江月到天門白
極目幽從謝眺青事業齊梁渾寂寞春衣薄
怯露泠泠

采石磯

千年牛渚草蕭蕭供奉風流自不遙
被酒尚畱明月影燃犀誰照暮春潮
菰蘆烟火連三楚金粉江山過六朝
細雨鳴榔嗟往事謫仙樓在客難招

二 磯上有賞詠亭

采石烟霏下舳艫倚江削翠一亭孤
何人泛月聞佳詠當日揮戈有壯圖
鴈去不傳雲外信帆遲相

狎水邊鳧萬花正值昇平會銅虎分兵又渡吳
金陵道中

東南形勝自江淮百戰河山稗草埋結綺歌燧銷
玉樹景陽鐘歌堊金釵天畱蒼莽騷人句地入欵
獻吊古懷士女如雲聞淚禱春郊黑却踏青鞵

抵白門

十年懸夢大江東天外人歸似海翁謝傳墩榮葑
草碧莫愁家怨棟花紅雲連建業還荒壘閣閉臨
春間故宮簫鼓秦淮仍昔否鳴蛙兩部夕陽中

蕉林詩集

七言律四

三

二

負弩紅亭驛使來海風送客冶城隈低垂盧橘當
窓出暖入含桃帶露開粉蝶春雲生畫戟長干烟
雨見樓臺空江三弄誰邀笛燕子磯前白浪回

寄錢塘令家姪承篤兼懷徐電發

小阮分携又一年書來頗問大江邊春潮夢憶錢
塘弩瘴海歸停白下船乳雉有無馴越嶠征輦消
息隔吳天偉長近口詩盈篋爲乞山陰九萬箋

寄懷汪蛟門

客來嶺表路間關，知爾麻衣泪欲斑。同調每思千里駕，春帆早過二梁山。鄂君繡被愁烟冷，陸績輕舟有石還。惆悵觀濤虛舊約，何時剪燭破塵顏。

二

去日新詩贈遠行，珠官回首幾含情。五溪又爨南征甲，一客方依丙舍耕。青草瘴中全病骨，白鷗汀畔望蕪城。歸裝不及汪倫別，愁聽江頭杜宇聲。

次韻酬劉潛柱同年

潛柱約遊長干寺不果

良朋遲我話長干，七載離群聚首難。塵袂敢辭蓮

蕉林詩集

七言律四

三

社約鄉心悵失竹，林歡客從海上探蛟室。君向江東戴鶡冠，一曲驪駒容易別。冶城紫氣鏡中看。

雨中寄懷方邵村侍御

邵村歸自嶺南姚若侯屬余寄書余三人

皆同甲子

一棹歸乘萬里流，方干寂寞臥江頭。臺城花發聽今雨，河朔樽開感昔遊。隔水頓艱同甲會，去年曾作致書郵。多君五岳皆圖畫，湖海纓登王粲樓。

陳旻昭同年請公子過江來，晤念其家貧兼

悼亡友仍用潛柱韻

江左孤兒不妄干，每嗟八口計艱難。
路逢葛屨誰相問，餅憶紅綾舊結歡。
繡佛長披居士服，立談便著惠文冠。
一林石筍今安在，墓草青青雨後看。

偶感

由來明月在揚州，子晉吹笙此地留。
玉燕上釵三婦艷，金丸落鳥五陵遊。
丹青錦軸克行筥，燈火春宵醉畫樓。
一代豪華流水盡，祇今猶說富平侯。

二

前溪一曲舞腰輕，挾瑟佳人白石城。
十里香凝絲

蕉林詩集

七言律四

三六

步障五侯餉，合玉盤鯖田文座上。
鷄鳴客，虞氏樓中采擲瓊。
燕去烏衣空甲第，邗溝花鳥若爲情。

三

日煖泥融走鈿車，江頭唱徹後庭花。
櫺間腰裏金羈絡，獸壓香爐玉辟邪。
翡翠鈎垂弘靖宅，珊瑚樹出季倫家。
竹西何事喧歌吹，不種東陵五色瓜。

四

隊隊紅粧細馬馱，鳳臺消息竟如何。
千盤客屨銀絲膾，七寶花圍白苧歌。
醒酒石欹秋蘚蝕，樓金

登暗塵多蕭條衣桁毬場冷無復春風人綺羅
與昭性家兄話別

刻燭聯床話路岐吾兄新廢蓼莪辭難將金錯還
官庫漫負紅顏忤畫師子舍泪懸雲黯處山樓目
送鴈歸時殘春去住俱多感別恨無端若柳絲

醉翁亭

瑯琊春岫鬱蒼蒼木末孤亭俯大荒照水影留梅
榦老落英風入釀泉香龍蟠片石停飛蓋客眺雙
峰縮夕陽想像昇平賢太守簿書暇日問滄浪

蕉林詩集

七言律四

三九

二

徑壑逶迤歲月深琅玕十畝愜幽尋巒環向群
賢地飛檻登臨萬古心鳴鳥幾經呼醉客聽泉更
上步高岑征車漠漠黃塵裏把臂何年許入林

豐樂亭

林霏開處古亭尊萬壑千峰赴郡門文螭弄晴風
落果黃鸝懶轉屐留痕櫻桃樹底前賢碣流水聲
中太守樽自昔南譙多戰伐烟霞歷歷到今存

關山

周師破皇甫暉處

山入淮南多壯色陰厓絕壑起樓臺當年金甲啣
枚度此日芒鞋拄杖來石磴中分雙壁斷天門誰
鑿一丸開清流闕下漸漸水戰地於今半草萊

滁陽吊吳玉鉉中舍玉駟黃門

薇省仙郎墓草疎黃門琴絕泪沾裾世傳榜下填
篋奏篋有焚餘痛哭書兒輩喜同李亞子茂陵不
見馬相如看花舊侶多凋謝忍過山陽問故居

池河驛

陰陰柳市下青帘倦倚高樓鼓角嚴歷盡瘴烟仍

蕉林詩集

七言律四

四

古驛聽殘漁唱報更籤乍寒客袂風穿牖細滴歸
心雨入檐車馬衝泥堪計日何人傳語慰香奩

白鷓鴣

海南語鳥最分明素頂蓮花頃刻生玉剪謾誇飛
燕潔晴波不羨白鷗輕洲邊索句畱崔顛筵上抽
毫悞彌衡羞向隴山矜翠羽人閒獨重雪衣名

紅鷓鴣

五色休將綬帶猜珊瑚饒翼絳雲開朱樓對奕枰
先亂繡幔聞呼夢乍回疑有燭龍銜火照似從淵

客泣珠來金籠宛轉元堪醉不用紅螺作酒杯

嶺南

西洋犬

丹眼霜毛自海西狎人恥與旅葵齊
獨兒亂局金鈴小黃耳傳書白草迷
簾外吹時春夢斷花間臥處午陰底
閒來馴擾薰籠畔錯認香烟吐玉貌

濠州雨中送春

廉纖山雨濕征裾何處蒼烟是故廬
九十青春孤枕過三千白髮瘴江餘
淮南賓客萍同散西楚風

蕉林詩集

七言律四

聖

雲事久虛木筆開巖鶯漸老北來不見一行書

何子昭侯遊楚不遇貧寓廣陵書來相問走

筆慰之

一紙書來別思長十年作客老何郎
豈因詩興留官閣誰慰鄉愁治橐裝
三楚雲山空歷歷五湖烟水正茫茫
仲宣漫縱登樓目枝上啼鴉未可忘

初夏

瞳矓曉驛野雲空新夏晴烟入望中
地過東吳梅子雨夢回南海石尤風
文章信得江山助客路方

知罷畫工綠暗長亭春已去有人攬鏡怨飛蓬

二

甲濕南方易白頭高原風日古濠州晴沙故道征
人泪細柳移軍少婦愁驚管出墻新筍簾巾箱下
鎖做貂裘一年又遇清和節鄉國初槐上畫樓

悼滄葦侍御

海陵甲第盛簪裾早歲聲華冠里閭水石清寒名
梓澤樽壘追琢重璠璣錦題玉軸南唐畫蠶繭
囊宋代書朝露頓晞豪舉盡故人白首涕漣如

蕉林詩集

七言律四

四

二

乍聞臥病隔江關生死論交動旅顏傲骨俱隨
逐客同心今又失仙班楊家繡幔金鈿冷桓氏青
驄玉絡閒他日黃公壚畔過舊遊蕭瑟邈河山

過商丘

鬱鬱新槐原上村野農趨市趁朝曦採桑紅女
眠箔催賦青苗吏在門巡遠尙聞遺戰壘鄒枚誰
復吊吟魂兔園依舊蘼蕪綠寂寞梁王好客樽

會亭驛晤德徵母舅時方引例乞養

燒燭津亭話苦辛一官南北共風塵折腰已倦三年吏犯斗初還萬里人自有畚田供救水漫言高調奏陽春相知按劍尋常事且看浮雲倚杖新

遊白雲寺

白雲傍郭隱林臯暫息車塵客興豪香發菜花侵檻入翠生叢竹拂檐高三時梵唄停晨課四月風光放晚桃今古宋城詞賦地松門獨步益蕭騷

睢州留別王公垂兼懷葉元禮

時元禮已歸松陵

尚憶霜天袂乍分王郎過我語斜曛漢臣歸問梁

蕉林詩集

七言律四

四三

園侶吳客還看笠澤雲玉塵門風忻未墜綠陰斗酒悵離群故人倘訊南行事爲道囊無論蜀文

雍丘驛署何旣白年伯馮遠海同年芝三家

兄夜集三公齒俱高矚然相對亦客中嘉

會也

孤城暝色暗河梁宣髮朱顏共一堂星聚重占荀氏里客來獨拜德公床談諧抵掌看龍馬風雨開樽集鴈行此夕便爲耆舊會疎燈寒驛有輝光

留別王弁伊先生

又從杖履綠楊天二豎春來喜霍然佐縣早辭升
斗祿閉門苦辦大農錢頻親藥裹添雙髻尙有雄
談動四筵珍重離亭須強食莫因家計礙高眠

大梁懷古

前驅鼓角成樓晴萬井烟花古汴城執轡市中遊
俠地銜杯臺畔濁河聲玉津園廢蛙鳴晚艮嶽雲
埋草色平零落憲王新樂府夜深誰炙紫鸞笙

曉渡黃河

去日秋帆有鴈過四時風物易蹉跎家山隱隱還

蕉林詩集

七言律四

四四

牽夢沙草青青又渡河一水中原嗟力盡十年築
舍借籌多幾行烟色長堤柳愁入宣房瓠子歌

遙望蘇門

容城孫徵君僑居下泉

衛水湯湯有釣磯共城佳氣曉依稀幽棲康節居
仍在教授蘇門客未歸半嶺鸞聲孤嘯出亂流珠
湧百泉飛飄然心傍行山麓安得携筇入翠微

湯陰晤王東臯侍御

依依柳畔暫停車好友班荆日影斜指畫動關天
下計門屏不異野人家臣心如水能觀物封事飛

霜舊觸邪期爾祥琴須早奏於今海內正紛拏

渡滹沱

沙路垂鞭容輿殷故園烏語隔堤聞人歸趙苑顏
初定馬渡滹沱樹乍分親舊下車詢過嶺書生短
後學從軍盈盈一水渾如昔北望晴開大茂雲

次韻酬陳藹公

春來廟略罷歸藩萬騎呼嵩動海門炎微敢辭鳶
跼墮夜郎原識漢廷尊流連詩句清風至俯仰江
山故址存漏下金臺重話舊玉關早入 聖人恩

蕉林詩集

七言律四

聖五

二

西風銜 命去南州楚粵烟嵐一櫂收江上俄樽
蘇峻壘海邊頻眺仲宣樓時艱芻秣勞輪輓年歲
弓刀取列侯半載遊踪初弭節潺湲無恙古蘆溝

三

新詩如贈繞朝鞭歸路初暄芍藥天何意軍書煩
盱食漫論樽酒釋兵權千盤瘴嶺單車入萬里資
泉一酌還執手故人頻問訊泛槎曾到斗牛邊

送甯元著侍御言事歸廣平

我來愁聽渭城歌
逐客青門意若何
故國三春饒
薜荔惠文一疏砥
江河許身敢惜高
堂在解網終歸
聖世多海內
共聞容強項
承歡歲月是恩
波

送黃蘭巖憲副之寧夏

十年郎署著書成
分臬居然塞上行
久佐度支資
石畫早攄邊略奏
金城隴西豈乏封
侯相淮海長
懸將母情去矣
建牙多壯節
賀蘭山色自崢嶸

劉魯一謫官家居書來相問以詩寄謝

蕉林詩集

七言律四

四

一別紅亭嶺路長
聞君解帶臥滄浪
力爭汲黯河
南粟頓下周昌
御史床遠客風
塵憐瘴海同官
書札自柴桑
懸知闕闕丹青
富永日烟雲滿
後堂

送姚陟山門人請告歸吳興

扁舟吳客去清班
潞水炎風振袂還
三載人違若
上月一帆雨挂
道場山寒曹索
米催愁髻澤國
徵兵動旅顏自昔
金門容大隱漫
將藥裹滯江關

新秋適平圃巡檢至言嶺南近狀有感

新涼又動帝城秋
却憶輜軒嶺外遊
東去海濤

驚到眼北看江月恰當頭山川恍入槐安夢樓閣
真疑蜃氣浮歸後風烟詢故吏日南花鳥至今愁
廣州望月在人頭上

送陳祺公少叅之粵西

擁節分藩桂嶺西驪歌聲裏夕陽低瘴烟藤峽開
千嶂組練樓船壓五溪孤劍遠隨寒鴈度秋帆曉
聽鷓鴣啼南征早晚標銅柱幕府須君彩筆題

贈錢珥信武選擢山東學憲

仙郎起草玉壺清新擁臯比海上行秋色自來華

蕉林詩集

七言律四

聖

不注遺風猶見魯諸生頻難官燭論文日舊借前
籌下瀨兵爲道四方多戰伐有無童子請長纓

寄懷杜子靜館丈

西風搔首悵離群明月圓時苦憶君客路樽罍纔
袂合帝城萸萸又秋分抽毫應有閒居賦授鉞
頻移細柳軍求舊聖朝方側席可能高臥隴頭

雲

送戴絲如比部出守南雄

懷香畫省吏如仙熊軾新稱太守賢買犢災方銷

戰伐褰帷嶺路隔風烟滇江持節重遊日燕市飛
鴻送客天寄語雄州諸父老紅亭揮手頓經年

送門人王麟仲中含歸山陰

兼懷姜定菴京兆

青門歸去狎烟波惆悵西風散玉珂久傍車茵稱
相客時親藥籠病維摩潞河汀畔秋雲擁宛委山
中戰鼓多京兆故人頤寄問驚心羽檄近如何

贈張致堂比部視學粵東

比部平反法網疎嶺南今見擁高車文星一洗機
槍氣炎微爭傳鄒魯書到日鮫珠來合浦映人海

蕉林詩集

七言律四

四

月滿前除此邦自昔多奇士莫遣孤寒老蠹魚

送魏雝伯侍御視兩淮漕政

繡衣使者拂霜風六傳秋驅戰馬中抗手薊門紛
落木懷人邗上托飛鴻都亭舊著埋輪譽轉餉仍
煩煮海功鹽筴淮南成弊事須教豪右避青驄

秋日偶成

節近重陽木漸凋閒雲漠漠雨蕭蕭羞將白髮酬
時序未有黃花伴寂寥鵬鸞曉迴沙磧影魚龍寒
偃暮江潮西風却憶南行日馬度秋山第幾橋

九日

清砧一片起斜陽極目關河秋思長幾處登高淹
醉客漫因多難佩萸囊伏波故道鴻難度戲馬荒
臺草欲霜短髻蒼浪逢戰鬪南征何日下沅湘

送解蘭石視學江南

鎖院論文藻鑑殊又看擁傳過三吳人稱清白關
西學世號衣冠江左儒驛路黃花迎使節春風綠
帳列生徒由來竹箭東南貴收取良材亦壯圖

重陽後二日宋蓼天侍郎召飲黑龍潭同魏

蕉林詩集

七言律四

早九

環溪侍郎

城隅飛閣敞秋風好友相將命酒筒樹隱千門幾
照裏窓開雙闕暮烟中黃壚俯仰情何限畫檻
登臨目未窮客醉烏啼看倒載接離爭唱兩衰翁

二

東華塵外得林阜飛蓋聊紆案牘勞選勝地偏憐
夕景持籌利未析秋毫池波杳渺蛟龍沒壇影參
差鶴雀高宋玉才名能好客風流獨媿酒徒豪

送鄭元闇中舍從王師赴江南

杖策南征書劍寒
孔璋名譽動長安
舍人今作王門客
醴酒應於幕下看
身傍江湖秋浩蕩
籌兼家國事艱難
鳴笳亦有從軍樂
恨少黃金飾馬鞍

送李華西中舍從軍汝南

談笑從軍數舉杯
營門吹角畫旗開
三千座上同讐客
十九人中脫穎才
露布行看磨盾墨
儲胥長自護風雷
隴西門第君休負
朱鷺歌成馬上催

送洪琅友中舍從征江右

西清仙吏下黃扉
新製軍中短後衣
身近天潢裾

蕉林詩集

七言律四

五十

漫曳營開細柳烏
驚飛揮毫幕府堪
傳檄轉戰章江報
解圍莫道書生無
壯事征南叅佐自
光輝

同年李吉津訪雪海於中山
書來相問却寄懷人對月幾徘徊
忽到雙魚剪燭開
抗手十年燕市別
將車千里太丘來
入門知爾忘賓主
好友何緣半草萊
避地一椽聊共適
中山酒泛菊花杯

送白仲調進士歸秣陵

秣陵才子鬢華侵
旅食長安有越吟
被酒能談鈎黨事
論交不易歲寒心
六朝山色餘衰草
千里江

聲入暮砧幕府于今需景略漫從岐路怨浮沉

初雪

去冬雪中飲滕王閣

退食蕭蕭雪入門虛檐落木晚雲屯乍寒樓閣烟
中沒集霰河山戰後昏老去做貂猶畏薄憂來濁
酒喜餘溫片帆回首章江畔風逐水花亂客樽

上三立同年歸翼城以詩留別次韻奉贈

舊侶風雲散玉墀一官落拓事堪疑歲寒條麓霜
飛早木脫燕關馬去遲白羽驚心岐路話青山看
夢故人知憐余衰髻留京輦日斷河梁罷酒時

蕉林詩集

七言律四

五

贈袁杜少卽次原韻

美人徙倚鳳城隈故國冰霜首漫回亡命誰憐張
儉困忤時終識禰衡才醉餘綵筆休成賦客到黃
金尙有臺潦倒一瓊須努力未應如子臥荒萊

二

空齋寒籟響疎籬讀爾新篇罷酒卮何事弋人驚
鴈羽况當客路近葭吹舊交意氣論千載多故乾
坤此一時我亦曾經投杼後不堪重見楚臣悲

送尙元長郎中擢上江驛鹽僉憲

裊裊飛旌出薊門
河梁曉色雪霜繁
江程熈息舟車達
牙帳風清使節尊
籌餉辛勤推計部
傳家忠孝是王孫
于今吳楚疲供億
寬恤應令識主恩

富川劉令殉節詩

報國寧捐七尺身
令君餘烈動朝紳
當風勁草憐孤掌
灑血蠻天有一人
越石笏聞多涕泪
常山舌在自嶙峋
書生蕞爾闢名義
貂錦空傳杖鉞頻

送梁園歸蘭陽省觀

仙郎愛日賦歸與
古道寒侵薄板車
筭計自饒天

蕉林詩集

七言律四

五

府貢過庭應授豹
陵書嘉平社鼓水
霜裏子舍春風洗
腆餘爲訊吾兄當
健飯驛亭頻憶剪
燈初

初度大雪次趙鐵源館丈見贈韻

濫從英少帝京遊
萬里歸來又一秋
寒夜燒燈絲管咽
浮雲過眼歲華流
吟成漫喜風吹絮
愁劇偏憎雪滿頭
今夕銜杯真可醉
隔年人倚粵江樓

去年是日在雄州

送陳緯雲歸宜興

十年顛顛比蘭成
詞賦爭傳伯仲名
風雪旗亭文

酒會燧烟江上故園情春回燕市銷殘臘客返荆
溪聽早鶯梁苑季方曾把袂英遊雨散幾沾纓

甲寅除夕

迎年燈火映窓紗一夕春風滿漢家休沐又傾除
夜酒暗香仍放嶺南花棲遲日月添衰髻戰鬪河
山減物華似水門屏聊守歲傍檐殘雪薜蘿斜

乙卯元日

晴烟片片護堯封夔燭披衣聽曉鐘帝里鶯花
開氣象殊方風物志遊踪早趨北極雲中仗還看
蕉林詩集

七言律四

五

西山雪後峰白髮更逢多難日何時洗甲課春農
元夕諸門人集邸中觀燈沈康臣卽席賦二

詩次韻

鳳城明月到衙門燈夕初開雪後樽風雅中原諸
子在酒壚舊好幾人存當筵晴煖占天意退食從
容識聖恩唱出陽春驚四座招賢東閣媿公孫

二

六街寒柝報更籌洗盞須將令節酬轉戰江干吟
越客剪燈酒半說吳鉤雙鬢誰續旗亭會萬里新

歸博望侯回首尉佗臺上月蠻花羌管入鄉愁
送邵戒三學憲之江右

文旆翩翩柳色新仙郎此日逐風塵澄江挂席天
邊使絳帳談經戰後人帝子樓仍來暮雨斗間氣
自動高旻豫章舊號名賢地徐孺亭前薦藻蘋

送吳曉岳門人歸海鹽

潞水蕭蕭楊柳天紅亭極目悵晴烟水霜擁戶憑
書帙愁病支床盡俸錢鄉夢一樽江驛酒春風二
月舍人船武原蓴菜雖堪憶莫漫棲遲白羽邊

蕉林詩集

七言律四

五

送何子受員外歸山陰

桃花水漲命輕舸天上初歸舊版曹藥裹每憐莊
烏病星槎同泛粵江濤西河汨逐春波溢秦望山
餘戰壘高珍重臨歧須強食故鄉草竊尙如毛

夏日袁六完納言召飲城南園亭

安邸別業也

朱邸各園水榭尊千章樹色翠當門披襟獨召忘
形容選勝同開避暑樽塘靜魚翻新荇葉林幽鶴
立舊苔痕醉來移櫂斜陽裏疑是江南薛荔村

翛然傍郭有滄洲竹裏紅泉竟日留車馬幾探雲
外徑風塵一上水邊樓歌臺花落頰啼鳥柳幔陰
多好放舟不是袁絲能愛客白頭那逐少年遊

送趙鐵源館丈典試粵東卽次留別原韻

簡書萬里漫生愁馬度桑乾綠滿溝此日文星辭
北闕隔年漢使到南州蠻花醉客番禺曉江雨開
帆章貢秋粵秀山頭多勝攬高吟須上五層樓

樓名

廣州

二

蕉林詩集

七言律四

五

趙嘏詩各滿

帝城喜看乘傳嶺南行論文自結

珊瑚網簾閣還聞戰馬聲
畫舫香來當荔熟鳴瀧
秋晚正波平一樽遲爾春宵話
載得羅浮片石輕

閩五月十六日 王師凱旋 上迎勞於南

苑曉降大雨移時晴霽成禮而還恭紀

風吹南苑畫旗殷仗鉞東征振旅還黃幄曉開迎
鶴陣紅雲畫護集鷓班
天河乍洗軍中甲霽色初
回雨後山虎拜侍臣頻送喜策勲此日動宸顏

送史子修門人省覲歸溧陽

投金瀨上故侯居有客懷歸命筍輿千里白雲親
舍夢十年綵筆史臣書宮袍賜沐香猶在法醮
承歡日乍舒寥落芳蘭看雨散細旃啓沃莫令虛
哭湯千里年姪

當年捧檄悞儒生八口飄搖萬里程旅觀幾人憐
故舊瘴鄉一死未分明傷心妻女窮途泪回首琴
書下榻情如子豈應淪異域問天無計每沾纓

苦雨

風聲挾雨透疎櫺雷淙淙盡日聽觸幕尋巢潛
蕉林詩集

七言律四

五

燕雀侵階積水下蜻蜓頰愁屋漏苔痕長乍覺龍
拖海氣腥入夜不眠拋卷坐小堂篝火自青熒

送紀孟起職方典試豫中

仙郎銜命奏驪歌八月微霜曉渡河帷幄新推
樞府貴衣冠舊屬洛中多梁園詞客爭高唱古汴
秋風動晚禾行矣進賢應上賞天心近已厭干戈

喜舉次子

朝來弧矢喜當門湯餅筵開露下樽挂笏正看新
爽入留賓恰有舊醅存人經憂患輕榮辱齒近意

殘急子孫此日景升聊自慰弄麀錯寫更何論

題朱邸書屋

朱邸池亭長綠苔晴窓窈窕傍花開擁書北牖秋
雲度過雨西山好月來隆準親嘗居肺腑兔園客
自有鄒枚東平家訓真能樂暇日林香入酒杯

輓門人沈康臣

珥筆才名高秘省祥刑雨露徧圍屏爭傳沈衆工
詞賦何意休文減帶圍月冷空床遺稿在櫬歸水
驛塞鴻飛一官未達今黃土白首風前泪濕衣

蕉林詩集

七言律四

五

二

秋蟲露下泣黃昏猶憶春宵聚及門愁劇吟詩曾
擊鉢官貧好客屢開樽爲郎忽赴修文召有賦難
招羈旅魂夙昔臨池窮八法他時奇字共誰論

九日登靈佑宮閣

振袂登樓數鴈行城南疎樹落微霜兵戈老去頗
經眼歲月殘時一望鄉高下烟光迷遠燒叅差宮
闕入斜陽步虛臺畔秋容好紅葉離披總斷腸

贈郝雲海再補侍御

冠豸峩峩世所宗新從遼海返孤踪都亭重喜看
強項 聖主元非好畫龍身歷艱難青鬢在憂深
家國皂囊封知君夙有安邊畧廿載西南罷戰烽
次韻寄酬徐電發

二
悠悠紅燭夜調笙老大驅車紫陌行仰屋何關天
下計寓書每識故人情冰霜歲暮催容鬢風雅中
原讓友生共道孔璋工草檄祇今湖海未休兵

兩載江干戰血斑美人問訊破愁顏西陵鞞鼓軍
蕉林詩集 七言律四 五八

三
儲急笠澤烟波釣艇閒七子鄴中誰獨秀五噫庶
下我難攀多君嘯咏湖山曉風雪旗亭被酒還

四
掛席曾乘萬里風倭遲歸路半彎弓新詩一寄菰
蘆裏鄉夢頻回戰馬中吳客漫吟柳酒綠征人愁
對杜鵑紅可憐四海瘡痍甚拊髀應思頗牧功

水雪遙傳一卷書挑燈喜色動衣裾賦成梁苑人
空老客重臨邛事豈虛市馬臺終收駿骨禹筭興

已到鱸魚何當携手燕山畔把酒春風滿做廬
送孫開盛中翰歸四明

舍人春水泛棠舟送客燕山有敝裘傑直幾年淹
秘省從軍三尺佐邊籌江程隱几汀花放故國疎
烟戰鼓收到日舞衣頰問寢甬東鮭菜足銷憂

親藩書屋

暖回金罍晝無譁綠滿樓臺竹影斜萬軸牙籤開
曉色一簾春雨度窻紗竒峰秀出羅浮石瑤草分
來上苑花
帝室藩屏興禮樂鄒枚漫作兔園誇

蕉林詩集

七言律四

五

贈平子遠次貞庵相國韻

春雪霏霏上短裘酒爐客散偶遲留當時誰問馮
驩缺衰髯仍登王粲樓故國心嘗懸堦火醉鄉名
自此通侯窮交漫下羈人泪泌水衡門有舊丘

送陳說巖宮詹祭告北鎮次徐健庵韻

擁傳宮僚下鳳城遙將玉帛重陪京戰餘沙磧寒
雲暗春到盧龍海氣生橫笛梅花歸健筆塞帷獵
火按邊情暨閭東望開千嶂應有山靈護節行

送楊爾茂宗伯祭告嵩岳

旆捲東風漢使車，秩宗奉璧自天家。
春深早綠河堤草，祝罷還看少室花。
洛下衣冠閑禮樂，中原謠俗問桑麻。
多君不淺登臨興，繡袞頰沾嶽麓霞。

送任海眉司寇祭告楚粵

南鴈初迴薊北天，侍郎飛檄破春烟。
薦馨鄂渚軍聲裏，弭節羊城燧火邊。
萬里法星臨楚甸，一鞭蠻雨暗花田。
禮成會見群靈集，山海朝宗鳳闕前。

送王子言少詹祭告畿內諸陵

暖動蘆溝翠色鋪，詞臣銜命下平蕪。
山光曉帶

蕉林詩集

七言律四

六

黎陽樹雪霽新成，督亢圖春草荒原嘶石馬。
諸陵坏土護樵蘇，采風三輔輶軒遍行矣。
嘉言佐廟謨

送熊子布令邯鄲

薊門殘雪曉風和，之子分符趙苑過。
洛水波生春色迥，叢臺鴈度月明多。
儒家作吏文無言，畿甸栽花政不苛。
學步橋邊仙跡近，垂簾訟少對烟蘿。

送程蕉鹿僉憲視學浙中

洗甲東南進響髦，海邦水鑑借文豪。
帆檣細雨芳

湖潤絲竹春風絳帳高官燭兩行搖綵筆清霜三尺砥江濤孤寒此日爭投袂吾道應歸舊版曹

送勞書升僉憲視學山左

語溪才子擁臯比輟草容臺去馬遲春入齊烟供坐嘯帷開嶽色對銜卮明湖暮雨篝燈夜魯國諸生問字時戰罷河山興禮樂澤宮莫使草離離

相國專征

河山百二倚長城貴相新兼上將行八陣高名諸葛壘九重按轡亞夫營荒原磧冷飛鴻集落日

蕉林詩集

七言律四

空

風多聽馬鳴好問壺漿秦父老曲傳鏡吹靜櫂槍

送邵瞻兩僉憲視學江南

幾年畫省著清譽似水門屏世法疎薊北風雲雙旆下江東詞藻六朝餘河梁贈策同蘭臭午夜論文畏簡書康節家聲君自貴盡令寒士借吹噓

題新安江氏雙節冊子

早洗紅粧罷綺羅懷清臺上自峩峩同心共對青燈夜兩世交磨黃鵠歌掩泣月明人獨紡存孤事了鬢雙瞻天都舊是名賢地寶婺星臨白嶽多

送興若孝廉歸廣陵

興若公車以例阻未入

阿咸頗過話斜曛忽漫離筵袂又分咫尺頓淹千里足
逡巡終識五花文他鄉孤夢聞窓雨歸路鑣飛有鴈群
無恙揚州烟月在平山堂畔看春雲

送芷公孝廉下第歸廣陵

蕭蕭書劍下蘆溝莫歎明珠更暗投燕市驅歌花外度
雷猪春色雨中收吾宗家世羞然竈南國才名入選樓
歸去雞窓須自愛塤篪奏已動皇州

贈佟儼若公子之江右

蕉林詩集

七言律四

空

年少垂鞭玉絡輕虔刀我欲贈君行侯家族貂蟬
貴公子風流硯几清馳檄軍中磨盾墨挂帆天際數
江程趨庭好佐樽前畫朱鷺歌成入漢京

送春次張敦復春遊韻

春殘閒却紫遊韉每憶河橋柳幔長俠少輕衫金
彈小旗亭詞客玉鞭忙塵中物候驚雛燕雲外歸
心問野棠烽火極天芳景暮粟留聲急菜花黃

送吳篤生學士歸里

詞臣揮袖問山靈每歎同心聚若萍十載宦途塵

滿席數椽客况戶常扃風驅古道槐村綠雨暗鄉
關麥隴青落星君又別醉中吾黨獨誰醒

送許文石妹丈歸里

五嶺同遊客思迢來聽舊雨興脩脩騎驢燕市冰
初泮襍被中山綠滿橋老去晴窓搖彩筆夢回飛
檝泝江潮還家賸有相如壁濁酒殘書伴寂寥

送何天咫舍人扶侍歸曹州

炎風又促舍人裝親奉潘輿驛路光方朔漫嗟饑
欲死茅容自有饌堪嘗錦衣薊北初歸客落日曹
蕉林詩集
七言律四
空

贈韓珠崖館丈歸娶

詞臣旆下五雲邊三十人中最少年早見春穠桃
李日歸逢並蒂芰荷天花圍絳燭分蓮炬帳吐香
猊帶御烟堂上雙星如健鶴齊眉含笑綠樽前

二

歸客翩翩冰雪姿送君斜日放杯遲金閨初罷梁
園賦湘管新成京兆眉負弩鄉關稱錦畫催粧麗
句寫烏絲鳳簫吹徹秦臺曉携手高堂問寢時

輓孫北海先生用環溪韻

不見長安白髮翁
論交風雨更誰同
空留遺稿鷄窓北
無恙藤陰鳳闕東
齒入香山圖畫裏
名高元祐黨人中
典型寥落頰回首
廿載床前拜德公

送王子厚黃門引疾歸里

前年送客賦新詩
又是河梁悵別時
病骨屢辭青瑣貴
素心頻與白鷗期
英游問字憐萍散
子舍承顏喜晝遲
多故中原難久臥
班行蹇諤九重知
綬德馬孝廉見過劇談移晷賦此爲贈

蕉林詩集

七言律四

卷

開軒有客自西秦
指顧能令耳目新
捫虱輒闖天下計
班荆初染洛中塵
地當戰鬪生奇士
話到肝腸似故人
何事馬周爲郡吏
籌邊高畫尙逡巡

送楊聖企 廷試歸濟寧

隔世通家意氣深
相看各訝鬢霜侵
康成門巷生書帶
伯起家聲絕袞金
彩筆初瞻雙闕影
青氈不負十年心
津亭柳色東歸客
每憶西州泪濕襟
送柯岸初侍養歸嘉善

衡暑陳情動 帝閣魏塘歸去問江村
三公肯易

斑衣樂十載猶傳諫草尊澤國乍停新白羽雲帆
初返舊黃門臥看民力東南竭林壑能忘北闕
恩

輓陳東海大都護

討賊孤忠髮上冠軍書間道達長安志存馬革邊
塵靜星隕營門朔雪寒饗士椎牛人忼慨棄家報
國事艱難出師未捷千秋恨他日碑從墮泪看

讀新安呂忠節公年譜遺集賦二詩弔之

新安遺直冠朝班蘭在當門自可刪再拜從容爾

蕉林詩集

七言律四

卷五

碧血一堂黯澹碎朱顏里居著述叢芝發城郭遷
移獨鶴還莫道書生無壯事孤臣有氣作河山

二

濂洛儒宗濟世才修明絕學講堂開曾因強項遠
時去數爲憂天抗疏來中壺盡能知大義遺書猶
可見風裁握拳透爪公何憾涕泪當年徧草萊

送孫屺瞻學士省覲歸吳興

驪駒曉發鳳城西江介歸心繫鼓鞶講幄每勤前
席對秋帆新逐去鴻低舞裳容與分宮錦法醞清

冷自簪溪啓沃細旃公等事莫耽問寢聽晨鷄

贈張青樵侍御侍養歸山左時有兄喪

暑雨紅亭拂袖歸西風遊子訪庭闈三年禁秘分
藜火五色漏瀾換繡衣驄馬市中人共避春令原
上鳥孤飛瀾瀾秋水芙蓉發膾切銀絲入饌肥

送王襟三門人令滕縣

征帆當日下章江遇子中流語客艤仗策來從文
獻地分符去近聖賢邦莫愁鄉國多烽火要使花
村絕吠龍清晝番簾非俗吏他年治行定無雙

蕉林詩集

七言律四

空

寄酬高念東卽次原韻時念東有炊臼之殲
良朋五載臥林丘奚事音書斷帝州伉儷乍因孫
楚重民生每繫杞人愁曲江舊侶渾蕭寂叢桂空
山尙滯畱爲問深源何日起冥冥鴻羽已難求

二

萬事榮枯自化鈞懸知仙骨未沉淪逢秋漫灑存
亡泪吾道終闕出處身四海舟車疲戰伐九重
宵旰在編民持籌媿我無高畫林下輪君第一人

送徐彥和編修歸崑山

論文越嶠識儒宗忽賦歸歎客思濃蘭櫂正逢秋
水發靈萱喜對舞衣重承明去就關烏鳥伯仲才
名動袞龍無恙江天烽火鳥山佳處採芙蓉

立秋

金井梧飄新雨後冷然秋氣入疎窓晴開小院雲
多變花發清籬蝶自雙倦客未歸滄海棹征人頰
擁碧油幢朝來露布天顏喜要領闕西已受降

贈杜子靜中允

三匝烏飛屢卜居良朋此日拜新除人來晉道艱

蕉林詩集

七言律四

全

難會官進前星炳耀初耳熱尙能論戰伐時危且
莫問樵漁花磚退食門如水齋閣焚香好讀書

輓艾長人大司寇

司寇臨歿爲詩十餘章人
爭和之

同官甘載賦嚶鳴何事看君廣柳行東海于公惟
種德漢家廷尉舊稱平還丹未就黃金藥絕筆猶
傳白雪聲此日披帷人不見一林石筍自縱橫

送徐方虎編修歸德清用環溪韻

雄文獨步起哀噴天上俄傳侍從回諸葛無慚名
士日偉長自是建安才歸鴻曉逐驪駒發叢菊秋

隨桂楫開浮玉山，山中多勝賞。孤城滿泛箬溪杯。

送歸孝儀還虞山

挾策公車倦客歸，新詩投我欲沾衣。上林莫訝枝難借，郢曲於今和自稀。繡被夢回霜柏冷，江村秋盡稻秔肥。烽烟滿目青山在，虞仲峰前看落暉。

送于岱仙司寇歸上谷

君家自昔起高門，司寇歸來道益尊。六月迴翔鵬羽息，一官進退聖人恩。秋携書卷凌霜露，春轉圖屏庇子孫。嘯圃未荒三徑，啓開簾好醉菊花樽。

蕉林詩集

七言律四

六

贈吳門施亮生鍊師

空山採藥徧烟阜，老傍江湖一苧袍。名註上清留玉籍，手回造化命丹毫。霞樓東去芝巖冷，風馭西來鶴背高。孤劍橫秋霜月白，步虛聲裏奏雲璈。

九日登靈佑宮閣

秋老燕關白晝陰，重來傑閣快登臨。千門細雨迷層堞，雙闕寒烟度遠林。兵氣漸消天外信，故山獨繫望中心。疎蘭叢菊能留客，其奈高城起夕砧。

